

XIKWEMBU HI

XONA MUHLAMUSERI

WA VUXONA N'WINYI

 Tatana wa hina wa le Matilweni, Rito leri humaka eka Wena ri vula swotala leswi vanhu hinkwavo nkarhi wun'wana ni wun'wana va nga swi endlaka kumbe ku swivula, hikuva vanhu va langutele ku Ku vona. Nakona ha Ku khensa hikokwalaho ka lava va nga ehansi ka ku ehleketelela, valanguterile swin'wana ku humelela. Nakona loko vanhu vari ni torha ra swin'wana, xidziva xi vitana xibziva xin'wana, kufanele ku va na xibziva lexi xi hlamulaka ku vitana kwaloko. Nakona sweswo hi swona leswi endleke hi va lahawani madyambu lawa, hikuva swile henhleni ka timbilu ta vaministara lava, ni vanhu, kuva va hi hlengeleta kun'we hi ta kombela rirhandzu ni minkateko eka Wena, hi ri karhi hi pfumela leswaku. U ta horisa vavabyi niku ponisa lava va lahlekeke, nikuva hi kombisa Rito ra Wena.

² Nakona ha khongela, Tatana wa le Matilweni, leswaku U ta hi nyika swona tani hi kutitsongahata hi languteleke Wena, ni madyambu endzhaku ka madyambu man'wana. Leswaku lahaya ku nga hava kuri ni swofana ni—ni ku chela ka Moya wo Kwetsima, nakona munhu un'wana ni un'wana a nga hava bofu eka swin'wana ni swin'wana leswi swi nga exikarhini xa vona ehandleni ka Xikwembu. Leswaku lahaya ku nga hava ni kurila loku kulu ku huma evanhwini, vava ni torha ra Xikwembu, kufikela laha kutaka mpfuxelelo etikwени hi nkwaro lahawani ni kereke yi n'wana ni yi n'wana yi nga ha tatiwa hi vanhu, vadyohi va rilela Xikwembu leswaku xi va ni tintswalo, ni—ni Moya wo Kwetsima wu horisa vavabyi, wu endla swilema leswaku swi famba, niku pfuxa vafi, nikuva u hi nyika swilo leswi swi tshembhisiveke eRitweni ra Wena.

³ Tana, Hosi Yesu, u hetisisa xitshembhiso xa Wena. Tana eka hina emadyambyini lawa. Ha pfumela leswaku hi Wena tolo, namuntha, ni hi laha ku nga heriki, leswaku switshembhiso swa Wena swi ngaka swi nga hluleki. Havumbirhi matilo ni misava swi nga tsandzekambe Rito ra Wena ri ngaka ri nga tsandzeki. Leswaku ku twisisa ka hina ku nga ha pfuleka. Leswaku Moya wo Kwetsima wu nga ha enhla wu ta veka emisaveni ya fusi. Leswaku ku twisisa ka hina ku nga ha pfulekela Moya ni matimba ya Xikwembu

emadyambyini lawa, leswaku Yena a nga ha kombisa Marito ya Yena ya xitshembhiso ha hina. Ha swikombela hi Vito ra Yesu. Amen.

⁴ Sweswi, emadyambyini lawa, n'wina lava mivonaka matsalwa, a hi pfuleni Bibele eka Buku ya Vumbirhi ya Petro, hi sungula hi vhese ya vu15, ntsena hi ndlela ya kuvulavula hi Matsalwa xinkadyana.

Kambe ndzi ta lunghisa leswaku hambi loko ndzi sukile mi ta tiva ku anakanya timhaka leti hi minkarhi hinkwayo.

Hikuva hi mitivisile matimba ya Hosi ya hina Yesu Kreste, niku vuya ka yena ku nga ri hi ku landza, mitsheketo, ya mafenya kambe swi ri leswaku hi langutile vukulukumba bya yena hi mahlo ya hina.

⁵ Ndzi rhandza sweswo, "hi mahlo ya hina." Ku nga ri van'wana va mitsheketo ya mafenya. Hi timbhoni ta leswi hi vulavulaka hi swona.

Hikuva u nyikiwile hi Xikwembu Tatana eku dzunisiwa ni ku kwetsima, nakona siku rito leri ri teke eka yena ri huma eku kwetsimeni loku tlurisaka riku, Loyi i N'wananga la rhandziwaka, yoloyi Ndzi n'wi tsakelaka.

Na hina hi ri twile rito loko ri huma tilweni, hi ri na yena entshaveni leyo kwetsima.

Kambe na swona hi ni timhaka ta vaprofeta leti tiyeke hiku tlurisa; leti mi endlaka swona loko mi ti namarhela, kukotisa rivoni leri voningaka laha ku nga ni... munyama, vurhonga byi kondza byi huma laha ku nga na munyama vurhonga byi kondza byi huma, kutani nyeleti ya mixo yi tuvukela timbilu ta n'wina:

Mi ri kari mi rhanga hi kutiva leswaku, a ku na vuprofeta ematsalweni lebyi nga ni kuhlamuseriwa ka xihundla.

Hikuva vuprofeta a byi tisiwanga hi ku rhandza ka munhu eminkarhini ya khale ni siku rin'we: kambe vanhu va Xikwembu lava hlawuriweke va vurile va ri kari va susumetiwa hi Moya lowo Kwetsima.

⁶ Hosi yi nga ha engetela minkateko ya Yona ekuhlayiweni ka Rito ra Yona. Sweswi, ndzi ya teka leswi tani hi dyondzo: *Xikwembu Hi Xona Muhamuseri Wa Vuxona N'winyi.*

⁷ Hi hanya esikwini ra mpfilumpfilu. Hi hanya esikwini leri vavanuna ni vavasati hiku tika va tivaka leswi va nga swi endlaka. Swin'wana ni swin'wana, swi—swi switikomba swi pfuxa dzolonga. Swin'wana ni swin'wana, swi tikomba swi ri lahaya hi tindlela to tala to hambana ku swi languta. Sweswo i Sathana, ku endla sweswo.

⁸ Sweswi, Xikwembu xi ngaka xi nga avanyisi vanhu lava lulameke, va kahle, handle ka loko lahaya kuri ni mpimo wun'wana lowu Xi nga va avanyisaka ha wona. Nakona Bibele yi teri Xi ta avanyisa vanhu hinkwavo ha Yesu Kreste, nakona Yesu Kreste i Rito. Eka Mukwetsimi Yohana, ndzimana ya vu1, Yi teri:

*Ekusunguleni Rito a ri ri kona, Rito a ri ri ni
Xikwembu, kutani Rito a xi ri Xikwembu.*

*Nakona Rito ri endliwile nyama, yi tshama exikarhi
ka hina, . . .*

⁹ Sweswi, leswi hi nga xiswona namuntlha hinkwerhu i nkombiso wa kufumiwa hi Xona. Eka Xikwembu...Xosungula a xi nga ri Xikwembu, Xikwembu, ntsena a hi Xi vitana "La nga Heriki." A Xi nga ri Xikwembu, hikuva rito (rito ra Xitsonga) *Xikwembu* swivula "xibye xo gandzela eka xona" nakona akuri hava nchumu wo Xi gandzela. Swingaleswi hi Xona Lexi nga Heriki, xi—xi Xihlovo lexikulu xa vutlharhi hinkwabyo. Nakona eka xona Xihlovo lexi xa vutlharhi akuna athomo, mulekhule, kumbe ku ri hava nchumu, ku ri hava kuvonakala hinkwako, nyeleti, n'weti, ku ri hava nchumu. Xikwembu, leswi hi switivaka tani hi Xikwembu, Moya lowukulu lowu nga Heriki (a wu kalanga wu sungula, a wu kalanga wu va ni makumu), a Xi ri kwa lahaya. Nakona eka Xona kuna ku tihumelerisa: i ku tihumelerisa loku ku nga eka Xikwembu, swingaleswi a tihumelerisa Yena kuva Tatana, a tihumelerisa kuva N'wana, a tihumelerisa kuva Muponisi, a tihumelerisa kuva Muhorisi. Hinkwako kufumiwa loku a kuri eka Yena. Nakona sweswi Yena...Swilo leswi a swi nga petsiwanga swi ntsena kufumiwa hi Yena kuva swikombisiwile.

¹⁰ Ndzi hlamusela yini, *ku humelerisa* akuri hi "miehleketo" ya Xona. Nakona *rito* i—i "nhlamuselo ya miehleketo." Nakona lero a ri ri eka mianakanyo ya Xona. Niloko Xi teri, "Lahaya akuve ni leswi," lahaya swivile kona. "Lahaya akuve ni leswi," lahaya swivile kona.

¹¹ Nakona sweswi, tsundzukani, n'wina Vakreste mi vile ni miehleketo ya Xona ku nga siva ni misava. Nakona hi n'wina mikombisaka ku anakanya ka Xona. Ku nga seva hambi kuri misava, a miri eka Kreste, (amen) eka Xikwembu emasunguleni. Hi leswi swi mi endlaka, swingaleswi, mi vona, tidyondzo ta Xona. Nakona nchumu hinkwawo i Xikwembu, xona hi Xoxe, xi ti endla nhundzu leyi khumbhiwaka xona hi Xoxe leswaku Xi ta kota ku khomiwa, xi voniwa, ni—ni kuya emahlweni. Nakona sweswo hi leswi Xikwembu xi nga xiswona, nchumu hinkwaswo.

¹² Swingaleswi vanhu vari, "Ku hlamusela..." A ndzi ri ekuvulavuleni lahayani ku ngari khale ngopfu

enhleengeletanwini, wanuna u teri eka mina, aku, “Makwerhu Branham, u na nhlamuselo leyi hoxekeke. A wu Swi hlamuseli kahle.”

¹³ Sweswi, ha twa . . . Va ya eka Methodist, niku vula leswi “Mu-Baptist a nga ri hlamuseri kahle.” Mu-Baptist aku, “Va-Pentekostals a va swikoti.” Va-Pentekostal vavula leswaku “Va-va Oneness a va swikoti.” Va Oneness va ri, “Ma-Assemblies a va swikoti.” Nakona yi n’wana yi vula yi n’wana leswaku a yi swikoti.

¹⁴ Xikwembu hi Xona Muhlamuseri wa Vuxona N’winyi! A xi kali xi lava un’wana a ta hlamusela hi Vuxona. Xa ti tolokela Xona N’winyi. I mani munhu loyi a nga tolokelaka Xikwembu? Xikwembu hi Xona Muhlamuseri wa Vuxona N’winyi.

¹⁵ Sweswi, Petro wa vulavula lahawani, hi kuma leswaku emasungulen i loko Xikwembu xi teri, “Lahaya a kuve ni kuvonakala,” nakona lahaya kuva ni kuvonakala, sweswo i nhlamuselo eka swona. Loko Xikwembu xi vula swin’wana ni swin’wana nakona a swi humeleta, swingaleswi sweswo i kuhlamusela ka Xikwembu leswaku Rito ra Xona ri lulamile. Wa vona? Loko Xi teri, “Lahaya akuve ni kuvonakala,” sweswo a swi ri emiehleketweni ya Xona kusungula ku nga seva ni nchumu walowo wa kuvonakala. Loko Xi teri, “Lahaya akuve ni kuvonakala,” kuvonakala kutlulela eswibakabakeni, sweswo i kuhlamusela. Kuhava munhu loyi a nga swi hlamuselaka sweswo, hikuva Xikwembu xi vule tano nakona lahaya swi tano. Loko Xikwembu xi vulavula swi tlhela swi humeleta, sweswo i ku hlamusela ka Rito ra Xona. Hikokwalaho ka yini vavanuna va nga swi voni sweswo? Hikokwalaho ka yini vanhu va nga swi voni sweswo?

¹⁶ Loko Xikwembu xi endla xitshembhiso nakona Xikwembu xiku . . . E-e ekusungulen i, eka Geneza, Xi longoloxile Rito ra Xona eka nguva yi n’wana ni yi n’wana tani hi laha Ri taka ehansi kusukela emasungulen kuya emakumu. Nakona, ehansi kuya hi tinguva leti, kereke ya misava yi na swona swilo leswi hinkwaswo swi hlanganeke hinkwaswo ka swona ni mindzhavuko, nikuya emahlweni, nakona Xikwembu minkarhi hi nkwayo xa rhumela eka xivono, ehansi kuya eka Testamente ya Khale ni Leyintshwa, vaprofeta! Nakona Rito ra Hosi ri ta hi muprofeta. Nakona Ri swi endlisa ku yini? Ri kombisa Rito ra Xikwembu. Ku kombisiwa ka Xikwembu, laha rivulaka loko ku lulamile ni loko ku hoxekile. Ku hava munhu loyi a nga Ri tolokelaka, Rito ra ti hlamusela rona hi Roxe. Xikwembu xi swi tshembhisile nakona lahaya swa humeleta!

¹⁷ Hi swihi swakahle ri swi endlaka ku vula swin’wana na swin’wana ha Rona? I mani munhu wa mudyohi loyi a nga ringetaka ku vula (loko Xikwembu xi endlile xitshembhiso xi tlhela Xikwembu xi swi endla) leswaku ku hlamusela kwaloko

ku hoxekile? Xexo hi Xona Xikwembu hi xoxe xi hlamuselaka Vuxona N'winyi, ku toloka. A Xi kali xi lava un'wana ku Xi tolokela, xa Ti tolokela xona N'winyi hi kuhumesa leswi Xikwembu Xi swi tshembhiseke leswaku Xi ta swi endla.

¹⁸ Oho, loko kereke ntsena yi nga kota ku vona sweswo niku vona swi tshembhiso leswi longolokaka eka nguva yi n'wana ni yi n'wana! Hinkwato tinguva leti n'wana, Xikwembu xi rhumerile eka xivono (hambi ku ri ehansi eka tinguva ta tikereke ta nkombo) nakona xi kombisile swin'wana ni swin'wana leswi Xi swi tshembhiseke leswaku Xi ta swi endla. Swin'wana ni swin'wana, kuhava lexi xi saleke xi nga endliwanga. Hakunene! Leswi Xi swi vulaka Xi ta swi endla, Xi swi endlile.

¹⁹ Hikuva loko Xikwembu xi teri, endzhaku lahaya eka Esaya, Xi teri, "Wa nhwana u ta tika," nakona u swi endlile. Sweswi, i mani—i mani a nga swi tolokaka sweswo? Xikwembu xi tolokile. Xi teri, "Wa nhwana u ta tika," nakona u tikile. Sweswi, mi va mani n'wina...mi ngaka mi nga swikoti...Ku hava leswi nga vuriwaka hi sweswo, hikuva Xikwembu xi teri u tava tano nakona u vile tano. Kambe kereke yi bofu ngopfu ku swivona. Wa vona, vana miehleketo leyi yi nga ya vona ya swona. Swi hambanile ngopfu—ngopfu ku tlula leswi va swi ehleketa.

²⁰ Petro lahwani a vula a kongomisa endzhaku, u teri, "Xikwembu xi kombisile Kreste hi Rito ra Xona, Xi teri, 'Loyi i N'wananga loyi Ndzi n'wi rhandzaka.'" Vapfumeri lava a va yimile kwalahaya. Nakona Kreste a ri nkombiso wa Xikwembu. Minkarhi hinkwayo Xi kombisa Kreste hi Rito ra Xona, hikuva Kreste i Rito. Xa kombisa minkarhi hinkwayo.

²¹ Loko Xi teri...Emasikwini ya Nowa, Kreste a ri eka Nowa. Ma swi pfumela sweswo? Nowa u teri, "Yi ya eku nenii. Ku tava ni mpfula, misava yi ta lovisiwa." Yi nile. Sweswo a swi kalanga swi lava nhlamuselo yin'wana. Yi nile hikuva Xikwembu, eka Nowa, xi teri, "Ku tava ni mpfula." A ri muprofeta, nakona vumbhoni bya leswaku a ri tano leswi a swi vuleke swi humelerile. Swingaleswi a va kalanga va lava swi tolokeriwa sweswo.

²² Va n'wana va vona va nga hava, hinkwako, va teri, "Munhu loyi a nga tivi leswi avulavulaka hi swona."

²³ Kambe Xikwembu minkarhi hinkwayo Xi tshembhisile, "Loko ku ngava kuri na un'wana wa n'wina loyi a nga wa ximoya, kumbe muprofeta, nakona leswi a swi vulaka swi humelela, swingaleswi swi yingiseni." Sweswo hi swona, hikuva swi ntiyiso. Swi fanele swi ya hi Rito. Nakona Nowa a ya kuya hi Rito. Loko a profeta leswaku ku tava ni mpfula, nakona yi nile. Sweswo a swi nga kali swi lava nhlamuselo yin'wana ya sweswo, hikuva ntsena swi endlekile.

²⁴ Esaya u teri, "Wa nhwana u ta tika," nakona u swi endlile. Sweswi, sweswo swi chavisa ngopfu ni kuva swi nga tolovelekanga. Tani hi, wa vona, akuri madzana yo tala ya malembe endzhaku wa nhwana a nga se tika.

²⁵ A swi nga tolovelekanga ku fikela laha wanuna wa kahle hi vito ra Yosefa, nuna wa yena, "a vile wanuna wo lulama nakona a nga swi tsakeli ku n'wi endla xikombiso xale rivaleni..." Wanuna ya loye wa kahle eminkarhini ya leyo, a swi tava swi ri njhani eka Yosefa loko a tava a tssembhisile, ku teka Maria.

²⁶ U tekiwile. Hi siku lero, ku tshova sweswo, ntsena a hari eku endleni ka vungwavavani. Nakona, hakunene, eka Yosefa, a swi tikomba tani hi loko Maria a ringeta ku n'wi tirhisa tani hi xivhikelo, kumbe ku n'wi endla xitlhangu xa xihoxo xa yena, hikuva lahwani u kumekile a ri manana, a nga tekiwanga, ntsena ku tsembhisana. Mano yo tani hi yalawa, u nga ha dlayiwa hi ku khandliwa hi maribye; swi fanele swi va tano, kuya hi nawu.

²⁷ Nakona Yosefa, nuna wa yena, ari wanuna wo lulama, minkarhi hinkwayo ari wanuna la lulameke. A pfumela eka Xikwembu. Nakona loko wansati a n'wi languta ni rirhandzu leri, ni matihlo lamakulu yo vevuka, aku, "Yosefa, Gabriel Ntsumi leyikulu yi ndzi endzerile niku ndzi byela leswaku ndzi ta tika, ndzi nga tivi wanuna."

²⁸ Sweswi, loko Yosefa a lo langutisa endzhaku eka Matsalwa, muprofeta a vurile leswaku wansati u ta va tano! Ntsena i Xikwembu xi hlamuselaka Rito leri ri nga ra Xona! Wa vona? Kambe hakanyiki ari tolovelekanga.

²⁹ Yaleylo hi yona mhaka eka nguva yin'wana ni yin'wana. Rito ra Xikwembu i muluveri eka vanhu; hakanyingi a Ri tolovelekanga. Xikwembu minkarhi hinkwayo xi endla leswi nga tolovelekangiki. Hinkwako a Ri tolovelekanga laha Xikwembu xi nga kona. Ri lwisana ni mafambiselo ya misava, hikuva vana swilo hi ndlela leyi va ehleketa ka leswaku swi tava tano. Kambe Xikwembu xi nghena xi endla leswi nga tolovelekangiki.

³⁰ "Xana wanhwana loyi a nga tika njhani?" Wanuna a tsembhekile, u kombisile Xikwembu ha swona.

³¹ Hiloko Xikwembu xivulavula na yena hi norho, xi ku, "Yosefa, n'wana wa Davhida, u nga chavi ku ti tekela Maria nsati wa wena, hikuva leswi a xurheke swona i swa Moya wo Kwetsima. Wansati a kombisiwile hi Xikwembu. Leswi hi leswi swi endlekeke."

³² Mikale mi swi xiyisisa leswi Xikwembu xi nga tirhisana xiswona na Yosefa lahaya? Hi ndlela leyi landzelaka, hi ndlela ya norho. Sweswi, ha swi tiva leswaku kuna milorho, hi pfumela eka milorho. Ndza pfumela eka milorho.

Kuva... Xikwembu minkarhi hinkwayo xi tirha na vanhu hi milorho. Kambe milorho i swa vumbirhi, wa vona, yi nga hava yi ri kahle kumbe yi hoxekile handle kaloko yi hlamusetiwile. Kambe a nga kalanga a lava ku hlamuseriwa kun'wana. Akuri Xikwembu xona hi Xoxe xivulavulaka na Yosefa, hikuva akuri hava muprefeta emisaveni emasikwini ya vona ku hlamusela. A va kalanga va va ni muprefeta kuringana mune wa mazana ya malembe. Swingaleswi xo antswa lexi landzelaka, hi leswaku Xikwembu xivile ni mhaka ni nkateko, nkateko wa n'wana Loyi a nga wa Xona, a xivulavula na Yosefa hi norho nakona ku ngari ni muhlamuseri. Xi teri, "Wansati u kahle. Nchumu walowo wo Kwetsima wu nga n'wi tikisa i N'wana wa Xikwembu." A swi kalanga swi lava nhlamuselo yin'wana.

³³ Xikwembu xi endla nhlamuselo ya Xona N'winyi hi ku tshembheka, hi timbilu leti tshembhekeke, vavanuna ni vavasati lava langutisaka ehenhleni ka—ka nchumu lowu wu nga wa xihundla, loko mi lulamile niku tshembheka nakona mi pfumela, Xikwembu xi na ndlela ya ku swi hlamusela eka n'wina. Xosungula, kambisisani loko kuri xitsembhiso. Loko Yosefa ntsena a fambele ekule kusuka eka mindzhavuko a tlhelela endzhaku a va ni ndlela ya mindzhavuko a tlhelela endzhaku eBibeleni, niku kambisia, Esaya uteri wansati u ya eku swi endleni.

³⁴ Ni swilo leswi ku nga vulavuriwa hi swona, niku tswariwa ka Yena, ni hinkwaswo ka swona leswi nga vula hi Matsalwa, "hi vaprefeta lava kwetsimaka," tani hi laha Petro a vuleke. Nakona kuhava munhu loyi a nga ni mfanelo yo vekela nhlamuselo ya xihundla eka sweswo. Swi hi ntsena tani hilaha Xikwembu xi nga teri swi ta teka ndhawu. Ari muhumeseri wa Rito ra Xikwembu ra xitsembhiso xa siku lero. Xikwembu xi swi virile, swingaleswi lahaya swive tano. Sweswo swi switshamisisile.

³⁵ Yesu uteri... Loko A hari emisaveni, loko va nga yi twisisi ministri ya Yena, a wu ri lowu kulu ngopfu, wuri niku humelela ngopfu, (a va nga ta swikota), kuhumelerisa, ko antswa. A va nga N'wi twisisi. U teri, "Lavani Matsalwa!" (Ndza tshembha a ndzi mi dlayi tindleve kwalaho ehandle, ku mi tungula eka sweswo.) "Lauisisani Matsalwa, laha eka Wona miehleketaka leswaku mina Vutomi Lebyi nga Heriki, nakona Manyikile vumbboni ha Mina." Wa vona? "Hi Man'wana lawa ya nga ta mi byela leswaku Ndzi Mani."

³⁶ Wa vona, Xikwembu xi longoloxile Rito. Siku lero ari ri ra ku tikombisa ka Xikwembu, Xikwembu (Emanuel) xi na hina, "Vito ra Yena ri ta thyiwa leswaku Muhlamarisi, Mutsunduxi, Hosi ya ku Rhula, Xikwembu xa Matimba, Tatana la nga riki ni Makumu. Nakona Vito ra Yena u ta vitaniwa *Emanuel*, 'Xikwembu xi na hina.'" Xikwembu a xi ri eka Davhida.

Xikwembu a xi ri eka Muxe. Xikwembu! Xexo i Xikwembu ndlela hinkwayo, xitikombisaka xona hi Xoxe eka nguva yaleyo. Kambe eka nguva ley, "Wanhwana u ta tika nakona u ta tswala N'wana, nakona U tava Xikwembu lexi nga na hina."

³⁷ Sweswo hi leswi va nga N'wi vambela swona, kuti endla Xikwembu yena hi Yexe, niku tshova Savata. Ari—Ari Xikwembu ehenhleni ka Savata, nakona Ari Xikwembu. Nakona A ngari munhu ntsena kumbe muprofeta un'wana ni un'wana (hambi Ari Munhu ntsena ni Muprofeta), kambe Ari Muprofeta wa Xikwembu. Nakona A ri kuhetiseka ka Rito, tani hi laha Xikwembu xi nge teri U ta swi endla. U teri, "I mani eka n'wina a nga ta Ndzi avanyisa hi xidyoho? Lavisisani Matsalwa! Laha eka wona miehleketaka leswaku mi na Vutomi lebyi nga Heriki, ni lawa ya vuleke vumbhoni ha Mina." Kambe mindzhavuko ya vona, a va hanya eka kuhatima ka nguva yin'wana.

³⁸ Tani hi laha a ndzi ri eku chumayileni mavhiki matsongo lawa ya hundzeke, "*Kuhanya laha ku vangamaka.*" Kuvangama i "ka xivoni," dyambu ri titlherisela minseve rona hi roxe, nakona a hi ntiyiso. Nakona kuhatima kun'wana ni kun'wana ka nguva yin'wana i kuhatima ka vunwa. Vanhu minkarhi hinkwayo va famba eka swin'wana leswi swi nga humelela malembe lawa ya hundzeke. Va Lutheran va famba eka kuhatima ka Lutheran. Masana ya Luther a mari kahle hi siku ra yena; Wesley ari kahle hi siku ra yena; Pentekosta ayiri kahle hi siku ra yona. Hi ya ehenhla hi xitepisi, hi hanya eka nguva yin'wana! Hi ya emahlweni, emahlweni, hi ngaka hi nga tshameli ro languta endzhaku.

³⁹ Loko hi kumeka hi tshamile ehansi hi xi hina eka swilo, hi ehleketa leswaku hinkwaswo swi endliwile, hi kuma mindzhavuko ya hina yi phutseriwile; nakona sweswo a swi enerile eka siku lero, kambe hiya emahlweni! Lavisisani Matsalwa nakona mi vona leswi swi tshembhisiweke namuntha, swingaleswi hi ta swi tiva leswaku hile kwihi, swingaleswi hi nga ha vula laha hi yimeke kona.

⁴⁰ Luther; mi nga ha languta eka Matsalwa eka—eka nguva ya leyo ya Sarda, mi nga ha vona hakunene leswi swi tshembhisiweke. Mi languta leswaku i mujahi wa njhani loyi aya emahlweni, langutani leswi a swi ya hlangana na yena, hakunene, "mano ya munhu," ku circa. Langutani Wesley, ni kuya emahlweni. Tani hi loko swi ta ehansi eka nguva ya Pentekosta, ni kuya ehansi eka nguva ya leyo, langutani leswi a swi fambisa xiswona. Langutani Matsalwa nakona mi vona laha hi nga kona. Hi xona xivangelo xexo xa Yesu loko ate, "Lavisisani Matsalwa!"

⁴¹ Langutani laha hi nga kona! Ndza pfumela leswaku hi le ka Kuvuya ka N'wana wa Xikwembu sweswi. Ndza pfumela hile ka nguva ya—ya ley i laha A nga ta humelela nkarhi

wun'wana ni wun'wana. Ndza pfumela Matsalwa ya hlambanya sweswo, leswaku hile ka tiawara to hetelela ta matimu ya misava leyi. Ndzi nga ha vona swilo tani hi laha swivumbekaka. Vonani Ecumenical Council leyi yi fambisaka tikereke hinkwato yi ti yisa eka swona, ku ya eka mfungho wa xivandzana. Ni ku vona Roman Empire leswi yi swi endlaka, ni hinkwavo ka vona. Mi va vona vava kun'we, va pfalelaka Rivoni ehandle, va pfalaka va susa Evhangeli. Un'wana ni un'wana u fanele ava eka swona niku famba eka mavoni ya vona kumbe unga fambi eka hinkwaswo. Wa vona, hile nkarhini wa makumu. Ku hava lexi xi saleke eka hina kambe ku khomelela eka Xikwembu niku pfumela Rito ra Xona. Rito minkarhi hinkwayo ri lulamile.

⁴² Eka nguva ya kereke ya Laodikiya, ya leyo a yiri nguva ya kereke yiri yoxe, eka hinkwato ta vona, laha Kreste a nga vekiwa ehandle ka nyangwa wa kereke. A ri ehandle, a gongondza. Ku humelerile yini? Ecumenical Council leyi hi leyi yi yaka eku swi endleni yi N'wi humesela ehandle. Bibebe yi teri U fanele ava ehandle, nakona U tano. Swi pfalela yini xana? Rito. Nakona hi Yena Rito, minkarhi hinkwayo U ta tshama ari Rito, nakona Wa hari Rito madyambu lawa! Hi Yena Rito.

⁴³ Bibebe yi teri, “Rito ri kariha, ku tlula tlharhi leri nga ni vukarhi hi matlhelo mambirhi,” Va-Heveru, ndzimana ya vu4, “leri avanyisaka mianakanyo ni makungu ya timbilu.” Rito ri tano! A va fanele va swi tivile leswaku A ri mani Yena loko Yesu a vule sweswo hi siku lero.

⁴⁴ Langutani leswi A swi endleke. Siku rin'wana A yimile lahaya, hi masungulo ya ministri wa Yena. Ku vile ni wanuna loyi a teke eka Yena, hi vito ra Simon, Simon Petro. Nakona loko Petro a tava a N'wi langutile ni—ni ku N'wi vona, Yesu u teri eka yena, “Vito ra wena i Simon nakona u n'wana wa Yonas.” (A tava a tivile leswi Muxé a swi vuleke, “Hosi Xikwembu xa n'wina xi ta pfuxa Muprofeta tani hi mina, nakona Yena mi boheka ku n'wi yingisa.”) Nakona lahawani hi loyi Wanuna loyi o ka a nga se tshamaka a n'wi vona evuton'wini bya yena, aku, “Vito ra wena i Simon nakona u n'wana wa Yonas.” Hikokwalaho ka yini, a swi tiva hakunene leswaku ku sukela kwalaho a ku nge hevi ni swin'wana... A va kalanga va va ni muprofeta ku ringana madzana ya malembe, nakona lahawani hi loyi Wanuna a n'wi byeleka leswi a ri xiswona. A kuna ku hlamlala u ta swi amukela!

⁴⁵ Filipi, hi nkarhi wa lowo, u fambile a—a ya kuma Nathanael ehansi ka nsinya, a n'wi tisa eka Yesu. Yesu a ku “Vonani mu-Israel eka yena a kuna vuxisi.”

A ku, “Rabi, U ndzi tivela kwihi?”

⁴⁶ A ku, “Filipi a nga se ku vitana, loko wa hari ehansi ka nsinya, Ndzi ku vonile.”

⁴⁷ A ku, "Rabi, Wena i N'wana wa Xikwembu! I Hosi ya Israel." A swi tiva leswi a ri xiswona! Yini? A swi kalanga swi lava ku hlamuseriwa, Yehovha u vule tano!

⁴⁸ Lahaya ku yimile lava a va nga swi pfumeri. Va teri, "Munhu loyi i Belzebub. Una—Una maendlelo man'wana ya vuxisi A ma kokaka. U—U xingomatanda, kumbe swin'wana."

⁴⁹ Yesu u va langutile, aku, "Hikokwalaho ka yini, mi vulavula sweswo ku lwisana ni N'wana wa munhu, mi ta rivaleriwa eka swona. Kambe loko Moya wo Kwetsima wu ta wu ta endla nchumu lowu fanaka, mi vulavula ku lwisana na Wona, mi ngaka mi nga rivaleriwi, eka misava leyi kumbe misava leyi nga tata." A profeta hi siku ra hina, siku leri hi nga ta ri vona. Hikuva hi Yena tolo, namuntlha, ni hi laha ku nga heriki.

Tsundzukani, a kuri Yesu Kreste loyi ari eka Muxe.

⁵⁰ A kuri Yesu Kreste loyi ari eka Davida. Loko Davida, n'wana wa... Davida u yile ehenhla entshaveni, hosi leyi yi ariweke, nakona yi rilela Yerusalem, sweswo aku ngari nchumu kambe Kreste eka yena. Kwalomu ka nhungu wa madzana ya malembe lawa ya hundzeke, N'wana Davida a tshama ehenhla ka Ntshava ya Olives a languta ehansi eYerusalem nakona a rila, aku, "Yerusalem, Yerusalem, xana ni nga Ku wunga njhani tani hi mbhaha loko wubyamela, kambe a wu ngevi tano!"

⁵¹ Loko Yosefa ari ekhotsweni, yaloye a kuri Yesu. Loko a tava a xavisiwile hi swiphemu swo saseka swa makume nharhu wa tisilivere, ya loye a kuri Yesu. Loko a tava a endliwe Ndhuna leyikulu, ya loye akuri Yesu. Loko a tshamile evokweni ra xinene ra Faro. Ni loko a fambile, un'wana ni un'wana... mhalamhala yi rila, nakona un'wana na un'wana u fanele a khizama hi tsolo, yaloye aku ri Yesu. Ku hava munhu loyi a nga yaka eka Faro ntsena ha—ha Yosefa; kuhava munhu loyi a nga yaka eka Xikwembu, ntsena ha Yesu. A kuri Yesu, Rito leri nga profetiwa ri hetiseka, ri vulavuriwa emindzhutini hi tinxaka-nxaka.

⁵² Loko Yesu a hari lahawani emisaveni, U endlile nchumu wun'we ni lowu wu endliliweke hi vaprofeta, sweswo hi swona swi endleke leswaku va swi tiva leswaku a kuri Xikwembu xi kombisaka Rito ra Xona eka Yena. A swi kalanga swi lava ku hlamuseriwa.

⁵³ Loko Nathanael a tava a vonile leswi, u werile ehansi, a ku, "Wena i Hosi ya Israel, N'wana wa Xikwembu, Hosi ya Israel. Ha Kutiva, ku hava munhu loyi a nga swi endlaka leswi."

⁵⁴ Nikodema u tile ni vusiku, a vula nchumu wun'we lowu nga vula hi va-Farisi. Kambe, maswivona, a va phasiwile hi Ecumenical Council laha ava nga ta swi kota ku Ri amukela.

U hlamuserile leswi va nga swi vula, aku, “Rabi, ha . . .” Hi va mani “hina”? Huvo ya vona! “Ha swi tiva leswaku Wena u mudyondzisi loyi a humaka eka Xikwembu, hikuva ku hava munhu loyi a nga endlaka swilo leswi handle ka loko Xikwembu xi ri na Yena.” Va Ri tekerile enhlokweni, va swi tivile leswaku a kuri Rona, kambe a va phasiwile eka swona.

⁵⁵ Nakona Xikwembu, eka malembe ya makume nhungu lawa ya hundzeke, xi ninginisile misava leyi hi nkhuvulo wa Moya wo Kwetsima, nakona vavanuna ni vavasati va hari ehandle ka Wona hikuva va phasiwile eka nchumu wun’we, hi hanya eka ku hatima ka siku rin’wana. Mhaka i yini? Un’wana ni un’wana u lava ku va mu-Methodist, Baptist, Presbyterian, Lutheran, kumbe swin’wana. Wa vona, i ku hatima.

⁵⁶ Va hanya eka kuhatima ka siku a Muxe. U vule yini? U teri . . . Va teri, “Hi vadyondzisiwa va Muxe.”

⁵⁷ U teri, “Loko a mitivile Muxe, a mi tava mi Ndzi tivile. Muxe u tsarile ha Mina!”

⁵⁸ Loko a mitivile Luther, a mitava mi tivile nguva ley! Loko a mitivile Methodist, a mitava mi tivile nguva ley! Hikuva Kreste u tsarile hi nguva ley! Marito lawa ya nga hetiseka ma fanele ya hetiseka eka nguva ley. A swi kali swi lava un’wana ku Ri hlamusela, Xikwembu xa hlamusela Xona hi Xoxe. Xikwembu xa ti tolokela xona N’winyi, hikuva hi Xona xi ri Xoxe xi nga Ri hlamuselaka. Switshembhiso swa Xikwembu minkarhi hinkwayo swi tiyisa leswi Xi swi vuleke, nakona sweswo i ku hlamusela.

⁵⁹ Sweswi, Yesu, (ku hlayisa nkarhi), Yesu u teri, eka Mukwetsimi Yohana, kuavanyisa ka vu¹⁴, vhese ya vu¹², “Loyi a pfumelaka eka Mina, mintirho leyi Ndzi yi endlaka u ta yi endla na yena.” Xana U vule swona? Hiswona sweswo. Sweswo a swi lavi ku kala swi tolokeriwa. Loko un’wana a endla mintirho ya leyo, kwalaho i Xikwembu. Hakunene!

⁶⁰ Nakambe Xi vurile lahaya, “Tani hi laha a swi ri emasikwini ya Lot, swi tava tano eku vuyeni ka N’wana wa munhu.” Yesu u vule tano. Xana U swi vurile? Hakunene, U swi vurile! Sweswo a swi lavi ku tolokeriwa.

Va ri, “Kambe, sweswo swi vula . . .”

⁶¹ Swivule ntsena leswi Yena a swi vuleke! “Tani hi laha a swi ri emasikwini ya Lot, swi tava tano eku vuyeni ka N’wana wa munhu.” Masiku ya Lot wona ke? A hi tlheeleni endzhaku xinkadyana, ku ya kumisia leswi ava swi endla.

⁶² A kuri ni mintlawa yi nharhu ya vanhu emasikwini ya Lot: mupfumeri, loyi a ti endlaka mu pfumeri, ni loyi a nga riki mupfumeri. Sweswo swile ka ntlawa wun’wana ni wun’wana, nchumu wun’we.

Hi kuma leswaku Masodoma a va ngari va pfumeri.

Lot a ri loyi a ti endla mupfumeri.

⁶³ Abraham ari mupfumeri. Hi un'wana loyi ntwanano wu nga tiyisisiwa ha yena. Hi un'wana loyi a langutele n'wana wa xitshebbiso. Hi un'wana loyi a swi languterile. Amen. (a ndzo “titsakisa” hi vumina. *Amen* swi vula leswaku “A swi ve tano!”) Nakona hi swona sweswo. Abraham a ngari eSodoma. Abraham ari ehenhla nakona ehandle ka Sodoma. Hi yena muxaka wa Kereke ya ximoya namuntlha.

⁶⁴ Lot i xifanekiso xa kereke ya dinominexini ehansi eSodoma. Langutani, Bibebe yi vule tano, “Swidyo ho swa Sodoma swi xanisile ku lulama ka moyo wa yena masiku hinkwawo.” Hikokwalaho ka yini a nga vanga na xitiya nhlana xo enela ku yima a lwisana na swona? Ku na vunyingi bya vanhu va kahle namuntlha va nga tshama ekerekene, va languta ehansi va vona vavasati lava ambaleke swo koma ni vavanuna va endla swilo leswi, ni timembara ta vona ta famba, ti ya titlangela golofu hi Sonto, ni mintlangu ya le tipikinikini, ni ku khida ni swin’wana, ematshan’wini yo ya ekerekene. Va tshama emakaya hi Ravunharu ni madyambu, va hlalela thelevhixini, ematshan’wini ya kuya ekerekene. Va titwa tani hi loko vari ekuvuleni ka swin’wana ha swona, kambe bodo yi ta va hlongola. Mhaka i yini? I Lot nakambe, a langutaka ehandle hi fasitere ra yena a vona xidyoho, nakona a chava ku vula xidyoho leswaku i “xidyoho”!

⁶⁵ Abraham a ngari eka vuntunya bya vona, a humile eka swona. Ari wa muxaka wa Kereke ya ximoya. Sweswi langutani ntsena eka nkarhi wo hetelela, ntsena loko ndzilo wu nga si wa. Nakona lava a vari Vamatiko. Swikombeta ndzilo lowu wu waka emisaveni ya va-Matiko namuntlha, loko mimfumo yi ta fayeleteka nakona va ta hisiwa. “Matiko ma tava endzilweni,” ku vula Hosi, “nakona va ta hisiwa hi kupfurha loku ku hisaka.” Sweswo a kuri ku kombisiwa ka swona.

⁶⁶ Sweswi a hi va fananiseni. Lahawani hi loyi Abraham loyi khale anga huma, ku ngari eSodoma, u humile eka Sodoma. Lot wa hari eSodoma.

⁶⁷ Nchumu lowu chavisaka, mixo wun’wana lowu hisaka, xikan’we kwalomu ka khume n’we ehenhla ka nhloko swi fanele swi va tano, u vonile vavanuna va nharhu va ta, vanhu ntsena, vata hi patu, hi ndlela. Abraham atshamile ehansi ka nkuhlu, a tiwisela. A jikajikile, kumbexani ni ntlhambi mixo wolowo, a nghena, ha kanyingi hi nkarhi wa ndzhengha. Hi loko a vona vavanuna va nharhu va ta. Nakona a kuri ni swin’wana hi vanhu lava, leswi, a swi chaya bele. Oho, mina!

⁶⁸ Minkarhi hinkwayo kuna swin'wana hi Xikwembu, loko swi ta exikarhini ka vanhu, Swi chaya bele. Va Swi tiva. Kuna swin'wana swi va byelaka, kuna ku swi yimela lahaya.

⁶⁹ Abraham u tsutsumile hi ku hatlisa, aku, "Hosi ya nga, tanani ekusuhi ndzi mi kumela swimatana, ndzi swi kuma ndzi Mi hlambisa minkondzo, ndzi Mi nyika xiphemu xa xinkwa, swingaleswi Mi taya emahlweni ni rendzo ra N'wina." Swingaleswi u hundzulukela etlhelo. U tsutsumerile etlhambhini a fika a teka rhole ari dlaya, ari ni mutirhi ku n'wi lerisa. A tlhelela etendeni, ehansi ekusuhi na yena, a kuma Sarah leswaku a pfuva fulawuri nyana, ku endla swin'wana, kumbe swakudya, ku endla xinkwa, ni ku endla makhekhe exitikweni. A va nyika va dya. Loko a ha tshamile lahaya, ari eku dyeni, va sungurile ku tekela enhlokweni, Wanuna loyi a ngo tshamela ro langutisa ehansi eSodoma. Hi loko A ku . . .

⁷⁰ Ha vumbirhi bya vona, matsundzuka, va yile ehansi eSodoma. Vambirhi va yile eSodoma. Ndza kombela mi nga swi twi hi ndlevle xihupi leswi. Ndzi kongomisa eka leswi Yesu a swi vuleke. Ha vumbirhi bya vona va yile eSodoma kuya humesa Lot ni leswi a swi lulamisiwile ku humeseriwa ehandle kwalahaya. Ni vambirhi lava va yeke kwalahaya, vaya lahaya ku ya chumayela. (Nakona lahaya a kuri ni Un'we loyi a sele na Abraham. Langutani sayini leyi Yena a yi endleke.) Va vile ni sayini ehansi lahaya, a kuri ni . . . Masodoma ava pfariwile mahlo. Ku chumayela Evhangeli minkarhi hinkwayo i vubofu eka lava va nga pfumeriki. Nakona xiyisisani leswi swi endlekeke.

⁷¹ Sweswi, kuna Un'we a yimeke endzhaku lahawani niku endla masingita emahlweni ka Abraham.

⁷² Sweswi, mi kale mi swi xiyisia, un'wana ni un'wana wa matimu, u landzelela Matsalwa, u landzelela matimu, aku kalanga ku va ni nkarhi eka tinguva ta tikereke laha munhu a nga tshama aya eka tikereke leti a tihlawuriwile ti huma lahaya emisaveni, ti humaka lahaya eka tidinominexini, ku hava munhu loyi vito ra yena ari hela tani hi Abraham, h-a-m, ma nga se fika. Kambe namuntha va na un'we, G-r-a-h-a-m. Hiswona sweswo. Kuya ehansi lahaya, kuya va humesa. U endla ntirho wa kahle ha rona. Graham, Billy Graham, mutirheli wa Xikwembu loyi a humaka exikarhi ka ti dinominexini, va n'watipolitiki, ni kuya emahlweni, niku phyandlesela eka tona.

⁷³ Siku rin'wana loko va tava va n'wi lavile leswaku a tava Presidente, hiku lulama a swi jikisela ehansi. Xikwembu, n'wi katekise eka swona. Hikokwalaho ka yini, tikhamphani ta vona ta tithothotho, a nga kalanga a va ni tshaku ro sungula tani hi leswi a swi ri xiswona. Va tirhisile mabiliyoni ya

tidolara, hikuva a tava hlongola hi ndlela yin'wana, tikhamphani leti ta mafole ni swin'wana tani hi sweswo. Wa vona, u le handle lahaya tani hi murhumiya wa Xikwembu eka Masodoma. Sweswo hi swona hakunene.

⁷⁴ Kambe tsundzukani, a kuri ni Un'we loyi a sele ehenhla lahaya na Abraham, Wanuna un'wana, hayi vambirhi lava nga ya lahaya tani hi va evhangeri va ximanguva lawa lava va yeke ehansi lahaya ku ya chumayela. Xiyisisani, a kuri ni Un'we loyi a seleke ehenhla lahaya. Vambirhi va ya ehansi hi ndlela *yaleyo*, Un'we a sala *lahawani* na Abraham. Nakona Un'we loyi a seleke ni Abraham u n'wi nyikile sayini.

⁷⁵ Sweswi langutisani, vito ra yena a kuri "Abram" nakona nsati wa yena ari "Sarai," ntsena siku kumbe mambirhi ku nga se fika sweswo. Xikwembu xi humelerile eka yena xi n'wi byela leswaku, "Ndzincinca vito ra wena sweswi kusuka eka Abram ku ya eka Abraham." (Vona, G-r-a-h-a-m i maletere ya ntsevu, munhu.) Kambe A-b-r-a-h-a-m i nkombo, maletere ya nkombo; h-a-m, ri hetelela hi h-a-m.

⁷⁶ Sweswi, ehenhla lahawani eKerekeni ya ximoya, ku na Un'we ehenhla lahaya eka Abraham, nakona xiyisisani leswi A swivuleke. U teri, "Abraham," (ku ngari "Abram") "Abraham, u kwihi nsati wa wena" (ku nga ri "S-a-r-r-a") "S-a-r-a-h? U kwihi nsati wa wena Sarah?"

⁷⁷ Langutisani leswi a swivuleke, "U le tendeni endzhaku ka Wena."

⁷⁸ Hiloko A ku, "Ndzi ta ku endzela. Ndzi ya eku ku endzeleni." Vona riviti lero ra yumunhu, Un'we, kuya hi xitshembhiso lexi A xi endleke. Kwalaho a kuri Xikwembu! U teri, "Ndzi ya eku ku endzeleni."

⁷⁹ Nakona Sarah, (hi ndlela leyi hinkwerhu hi nga ta swi twisia) ehlekela evokweni ra baji, ra yena n'winyi, aku, "Mina, mukhegula, dzana ra malembe hi vukhale, hosi ya nga" (laha a kuri Abraham) "a dyuharile na yena, nkarhi wa vutomi wu hundzile tani hilaha a vari vanhu lava ntsongo." A ku, "Hikokwalaho ka yini, hi ngaka hi nga havi na ku tiphina tani hi sweswo nakambe, ndzi dyuharile nakona u dyuharila." Hiloko aku, "Hi ngaka hi ngavi ni sweswo." Hiloko aku, "Njhani? Swilo leswi a swi ngevi tano!"

⁸⁰ Nakona mu—mu Wanuna (Xikwembu eka nyama ya yumunhu) aku, "Hikokwalaho ka yini Sarah a hleka a tlhela a kanakana, a vula swilo leswi?" Etendeni, endzhaku ka Yena.

⁸¹ Sweswi langutisani, loko walowo wu ngari wona ministri lowu wu fanaka nalowu Yesu Kreste ari na wona! U langutile ehenhleni ka vayingiseri a vona miehleketo ya vona. U byerile Petro leswi ari xiswona ni leswi vito ra tata wa yena ari ri xiswona. U byerile Nathanael.

⁸² U byerile wansati exihlobyeni, loko wansati a teri... Aku, "Famba u ya Ndzi kumela swona," kumbe "Ndzi keli ndzi nwa."

⁸³ Wansati aku, "Nkulukumba, a swi fanelanga eka Wena ku vulavula na... n'wina Mayuda mi vulavula ni Masamaria. A hi tolovelananga."

⁸⁴ Aku, "Kambe loko a wu tiva Loyi u vulavulaka na yena, a wu ta kombela eka Mina mati. Ku vulavurisana ku yile emahlweni. Aku, "Famba u ya vitana nuna wa wena ata haleno."

U teri, "A ndzi na nuna."

Aku, "Wa vurisa loko uku a wu na nuna, hikuva u hanyile ni vavanuva va ntlhanu."

Wansati aku, "Nkulukumba!"

⁸⁵ Langutani ku hambana exikarhi ka sweswo na vona—ni vaprista va vona va siku lero, huvo ya leyo yi hanyile eka ku hatima ka siku rin'wana. Va teri, "Loyi i Javulosi!" A va fanele va hlamula nhlengeletano ya vona eka swin'wana, hikuva aku laveka sweswo.

⁸⁶ Kambe u endlile yini wansati nyana loyi wa xisiwana, Mbewu ya leyo leyi xiximiweke yi nga pavala la embilwini ya yena.... A vabya niku karharisiwa hi maendlelo yalawa, u fambile hi swi tarata tani hi nghwavavani. Kambe loko a tava a vonile Sweswo, u teri, "Nkulukumba, ndza pfumela leswaku U mu-Profeta. A hi kalanga hi va na yena ku ringana mune wa madzana ya malembe, nakona hi byeriwile leswaku loko Mesiya ata U ta endla swilo swo fana ni leswi." Oho, mina! Mbewu ya leyo yi pavala ke lahaya yi tlulerile eka vutomil Hikokwalaho ka yini? A swi kalanga swi lava ku hlamuseriwa.

⁸⁷ Yesu u teri, "Hi mina Loyi a nga vulavula na n'wina." Sweswo a swi kalanga swi lava ku hlamuseriwa. U endlile mahlori a tlhela a mbhoniyela leswaku hi Yena Mesiya, amen, niku hlaysia rhikhodo hakunene ya leswi Xikwembu xi nga switshembhisa ("Hosi Xikwembu xa n'wina xi ta mipfuxela Muprofeta tani hi mina," ku vule Muxe). A kuri yini? Ku xiximiwa ka Matsalwa!

⁸⁸ Wansati u tsutsumerile edorobeni, a fika aku, "Tanani, mi ta vona Munhu Loyi a ndzi byeleke swilo leswi ndzi swi endleke. Xana a hi yena Kreste la fanaka xana? Xana a hi Yena? U ndzi byerile leswi ndzi swi endleke."

⁸⁹ Sweswi xiyisisani, Yesu, loyi a kuri Yena ehenhla lahaya eka Wanuna ya loye loyi nhlana wa Yena awu fularhele tende a vula leswi Sarah ari ku swi ehleketeni endzeni ka tende.

⁹⁰ Rito ra Xikwembu ri ri, eka va-Heveru, ndzimana ya vu4, leswaku... U vula leswi, "Rito ra Xikwembu ri kariha kutlula tlharhi leri nga ni vukarhi hi matlhelo mambirhi, ri ya fika

emahlanganeni ya mbilu ni moya ni ka misiha ni mongo, kambe hi rona ri avanyisaka mianakanyo ni makungu ya timbilu." I Rito! Nakona nkarhi wun'wana ni wun'wana loko muprefeta ata, u ta ni Rito, nakona hi yena Rito ra nguva ya leyo. Nakona u endla yini? U profeta leswi avanyisaka mianakanyo leyi nga etimbilwini.

⁹¹ Swi endleka eka Yesu Kreste hikuva hi Yena muhetiseki wa Rito.

⁹² Nakona Yesu u teri, "Tanini hi laha a swi ri emasikwini ya Sodoma, swi tava tano eku vuyeni ka N'wana wa munhu." Moya wa Xikwembu wu ta xikela ehenhleni ka misava hi xivumbeko xa yumunhu, Xikwembu xi ti kombisile eka nyama ya yumunhu (Amen! maswivona xana?), nakona wu ta endla nchumu wun'we lowu Xikwembu xi wu endleke enyameni ya yumunhu eSodoma. Tsundzukani, ava langutele n'wana wa xitshembhiso. Nakona, endzhaku ka sweswo, n'wana wa xitshembhiso u tile. Rero a kuri singita ro hetelela leri Sodoma ni ntawa wa Abraham va ri yoneke ku nga se fika n'wana wa xitshembhiso. Mi kale mi swi xiyisisa sweswo? Nakona sweswi Kereke ya ximoya yi tile eka awara ya leyo.

⁹³ Un'wana u teri, "Makwerhu Branham, u vula leswaku xexo 'a kuri Xikwembu'?"

⁹⁴ Bibele yi teri, A kuri Xikwembu! A swi kali swi lava ku hlamuseriwa. Hi Yena Elohim. Sweswo hi swona leswi Abraham a N'wi vitaniseka xiswona. Un'wana ni un'wana loyi a hlayaka Bibele wa swi tiva sweswo. *Elohim*, "Wena langa ni matimba." Hi Yena wo sungula, wo Hetelela; Wo sungula, ni Mahetelolo. Elohim! Abraham u N'wi vitanile "Elohim." Xikwembu (hi maletere lamakulu eka va-Heberu), Elohim; ntsena tani hile masunguleni, "Xikwembu," Elohim.

⁹⁵ Ari Elohim loyi a tikombiseke enyameni, a ambeleke swiambalo swa yumunhu, a dya swakudya swa yumunhu. Amen! Sayini leyи emasikwini yo hetelela Xikwembu xi nga ta humeleta nakambe exikarhini ka vanhu va Xona hi nyama ya yumunhu! Amen! Yesu u teri, "Mintirho leyи Ndzi yi endlaka mi ta yi endla na n'wina. Nakona tani hi laha a swi ri xiswona emasikwini ya Sodoma, swi tava tano eku vuyeni ka N'wana wa munhu." Amen! Sweswo a swi kali swi lava ku hlamuseriwa; swi lava ku kombisiwa, sweswo hi leswi swi lavekaka. Amen. Ma swi pfumelela sweswo?

A hi korhamiseni tinhloko ta hina.

⁹⁶ Tatana wa hina la nga Matilweni, hi Ku nyika xitshembhiso xa Wena emadyabyini lawa leswaku U vule swilo leswi. U va tshembhisile. Ku hava na un'we loyi a nga endlaka Rito ra Wena ri hanya ehandleni ka Wena. U teri, "Lahaya a kuve na ku vonakala," nakona lahaya ku vonakala ku vile kona. Kuhava loyi a fanele a swi tolokela sweswo, swi kombisiwile.

⁹⁷ Tani hi laha hi tshaheke Esaya, muprofeta, "Wa nhwana u ta tika," u swi endlile; a swi kali swi lava ku kombisiwa ku n'wana, u swi endlile. Sweswo hi leswi swi humeleleke.

⁹⁸ U teri, loko A ta U ta velekiwa eBethlehem, "A huma eBethlehem, wa Yudiya. Eka yena ku ngari ku longoloka exikarhini ka hinkwato ti hosana ta Yudiya, ta Israel? Kambe eka rona ku ta huma Mufumi wa vanhu va Mina."

⁹⁹ Swilo leswi A nga ta swi endla, leswi A nga ta ririsa xiswona exihambanweni, leswi A nga ta sorisiwa xiswona, leswi A nga ta tlhavisiwa xiswona emikondzweni nile swandleni swa Yena; "U tlhaviwile hikokwalaho ka vudyoho bya hina, a twisiwa ku fehla hikokwalaho ka mangava ya hina; a xupuriwa hikokwalaho ka ku rhula ka hina ehenhleni ka Yena; hi timbangga ta Yena hi horisiwile."

¹⁰⁰ Leswi sweswo Davida a nga swi vurisa xiswona, "Ndzi ngaka ndzi nga tshiki moywa wa Yena etiheleni, hambi Ndzi nga xaniseka eka Un'we wa Mina la Kwetsimaka ku vona ku onhaka." Nakona hi siku ra vunharhu, ku ngase fika tiawara ta makume nkombo-mbirhi ti nga ha tshamaka ku onha mirhi wa Yena, Rito ra Xikwembu ri teri, "U ta pfuka." (Va teri va yivile miri wa Yena va famba na wona; va ha swi pfumela na sweswi.) Kambe ha pfumela, Hosi, Rito ra Wena! Ri kombisiwile. Yesu Kreste u pfukile Aku, "Ndzi ta... Hosi, Ndzi na wena minkarhi hinkwayo, hambi ku ya fika emakun'wini ya misava."

¹⁰¹ Ha pfumela leswaku U lahayani emadyambyini lawa. Ha pfumela leswaku U ntseña tani hi vunyingi tani hi Yesu Kreste emadyambyini lawa, lahayani, tani hi laha A wuri xiswona. Nakona nsena U langutile mahlo, mavoko, milenge, milomo, mimoya, mimiri, leyi U nga yi tirhisaka ku ti kombisa vu Wena. Xikwembu, hi kwetsimisi emadyambyini lawa, leswaku hi nga ha vona Yesu Kreste la hanyaka a hanya exikarhini ka hina. N'wi pfumeleli ata! Swingaleswi hi ta hundza, tani hi va-Griki va ndlala lava va teke hi siku lero, vaku, "Nkulukumba, hi nga n'wi vona Yesu." Nakona va N'wi vonile. Oho, va rhurhumela njhani loku va ngava na kona loko va langutisile ehenhleni ka Yena!

¹⁰² Xikwembu, hi Wena la fanaka namuntlha. Nakona U tshembhisile leswaku loko hi ri ni ndlala hi ta Ku vona. "Ku ngari ku ngani, misava a yi nga ha Ndzi voni" (la nga riki mupfumeri); "kambe hambi swi ri tano mita Ndzi vona, hikuva Ndzi tava na n'wina, hambi kutshama na n'wina, ku ya fika emakun'wini ya misava." Ha switiva leswaku hi Wena tolo, namuntlha, ni hilaha ku nga heriki.

¹⁰³ Hosi, Marito ya vuriwile, matsariwile, sweswi swi pfumeleri swi endleka, eka Kukwetsima ka Xikwembu, ku komba leswaku U hlayisa Rito ra Wena. Amen. Xikwembu a xi mikatekisi.

¹⁰⁴ Ndzi ya ekuvitaneni ka layini ya xikhongelo. Ndza pfumela Billy u teri u phakile makhadi ya xikhongelo, un'we kuya eka dzana, kumbe swin'wana swo fana ni sweswo. A nga kona ntseña sweswi lahawani. U...Hi yihi nambara ra khadi ra xikhongelo...Un'wana a languti endzhaku ka wena ka...ku—ku fanele kuva na nambara ni—ni papila (A,B,C,D, kumbe...). I yini, A? Hinkwaswo swi lulamile.

¹⁰⁵ A hi veneni na A, nambara yo sungula, mbirhi, nharhu, mune, ntlhanu. Ntsena sungulani ku yimisa xi leswi. A, nambara yo sungula, nambara ya vumbirhi, nambara ya vunharhu, nambara ya vumune. Mune, a ndzi n'wi vonanga a yima. Khadi ra xikhongelo ra nambara ya mune. N'we, mbirhi, nharhu. Xikhongelo...Kumbe a venge yimi. Loko va nga yimi, un'wana a langutisi khadi leri nga eka loyi a nga ekusuhi na yena, a nga hava ari ni khadi a nga yimi. Hi kuhatlisa sweswi. Hi liya lahaya, mune. Ntlhanu, khadi ra xikhongelo ra nambara ya ntlhanu. Ntsevu, nkombo, nhungu, nkaye, khume, khume n'we, khume mbirhi. Ntsena sungulani ku ta haleno sweswi tani hi laha tinambara ta n'wina ti vitaniweke ha kona. Nambara yo sungula, mbirhi, nharhu, ntsena tanani hi ndlela leyi. Khadi ra xikhongelo ra nambara yo sungula, mbirhi, nharhu, mune, ntlhanu, ntsevu, nkombo, nhungu, nkaye, khume, khume n'we, ntsena tekani tindhawu ta n'wina. Khume n'we, khume mbirhi, khume nharhu, khume mune, khume ntlhanu, khume ntsevu, khume nkombo, khume nhungu, khume nkaye, makume mbirhi, makume mbirhi-n'we, makume mbirhi-mbirhi, makume mbirhi-nharhu, makume mbirhi-mune, makume mbirhi-ntlhanu. Kuna un'wana loyi anga taka...

¹⁰⁶ Ndzi vona wanuna lontsongo exitulwini xa mavhilwa endzhaku lahaya. Loko nambara ya wena yi vitaniwile, jaha, nakona—nakona loko u nga swikoti ku yima...swi kahle, ntsena yimisa voko ra wena, hi ta swivona leswaku u lahawani. Wa vona?

¹⁰⁷ I vangani lava nga lahawani va pfumalaka makhadi ya xikhongelo nakona mi ri karhi mi vabya? A hi voneni mavoko ya n'wina, hinkwako. Kona kwalahawani, sweswo hi swona, yimiselanu mavoko ya n'wina ehenhla. Ma pfumela? Loko va ha hlengeletan kun'we, ma swi pfumela Leswi, leswaku hi Yena la fanaka ni tolo ni hi laha ku nga heriki? I vangani? Langutani vaministara lava; xana Matsalwa a ya vuli tano leswaku namutlha, vamakwerhu, leswaku hi Yena Muprista Lonkulu loyi a nga ta khumbhiwa hi vutitwi bya hina bya vugono? A hi swona sweswo? I vangani va swi pfumelaka sweswo, yimisanu mavoko ya n'wina? Hi Yena Muprista Lonkulu loyi a nga ta khumbhiwa hi vutitwi bya vugono bya hina.

¹⁰⁸ Swingaleswi loko Bibele yi ku, “Hi Yena tolo namutlha ni hilaha ku nga heriki,” i vangani va swi pfumelaka sweswo?

Swingaleswi A nga swi endlisa ku yini namutlha? U ta endla tani hilaha A swi endliseke xiswona tolo. A hi swona sweswo? U le kwihhi madyambu ya namunthla? U tshamile evokweni ra xinene ra Vuhosi, miri wa Yena; Moya wo Kwetsima wu lahawani emuakwini, ku ta endlela leswaku Yena a tiveka.

¹⁰⁹ Xiyisisani, sweswi langutani. Ku humelele yini loko un'wana a khumbhile nguvu ya Yena endzhaku lahaya, wansati siku rin'wana? A ngari ni khadi ra xikghongelo, hi nga ha vula tano, kambe u khumbhile nguvu ya Yena. Nakona loko wansati a tava a khumbhile nguvu ya Yena, Yesu u hundzulukile a ku, "I mani a Ndzi khumbheke?"

¹¹⁰ Petro a N'wi pfukela, a ku, "Hikokwalaho ka yini, Hosi, sweswo a swi twakali swi hanya. Hikokwalaho ka yini, un'wana ni un'wana u le kuringeten i ka Ku kukhumbha. Hikokwalaho ka yini i ku, 'I mani a Ndzi khumbheke?'"

¹¹¹ Aku, "Kambe Ndzi twisisa leswaku A ndzi na matimba." I vangani va tivaka sweswo? *Vunene*, laha swivulaka "matimba," masukile eka Yena. "A Ndzi na matimba, un'wana u Ndzi khumbhile hi kukhumbha loku ku hambaneke." Nakona U hundzulukile a languta vayingiseri kufikela laha A kumaka laha ku nga na chanele ya ripfumelo.

¹¹² Un'wana ni un'wana a vekela mavoko ya yena ku rhendzeleka hi Yena, "O Rabi, ha Ku pfumela," ni hinkwaswo leswi.

¹¹³ Kambe akuri ni un'wana loyi a Swi pfumela hi xiviri. Nakona u khumbhile nguvu ya Yena a pfumela leswaku u horisiwile, hikuva u ti byerile embilwini ya yena leswaku loko a nga swi endlisa sweswo hi leswi swi nga ta humelela.

¹¹⁴ U hundzulukile a languta va yingiseri kufikela laha a n'wi kumaka Yena, nakona U teri... u byeriwile leswaku mhaka ya yena ya ngati yi yimile nakona u horisiwile. A hi swona sweswo? Sweswi, yaleyo hi yona ndlela leyi A yi endliseke xiswona, eka vanhu va vayingiseri.

¹¹⁵ Sweswi, ndzi koxa leswaku A nga fangi, ntsena Wa hanya hi vunyungi namutlha tani hi leswi a nga tshama A va xiswona. Nakona Bibele yi teri, Yesu u teri, yena hi Yexe, "Tani hi laha a swi ri emasikwini ya Sodoma, swi tava tano ekuvuyeni ka N'wana wa munhu."

¹¹⁶ Sweswi langutani, a swi na mhaka leswaku i muxaka wihi wa nyiko leyi Xikwembu xi nga na yona ehenhla lahawani, ku fanele ku va ni yin'we ehansi lahaya, ngopfu, ku hlamula eka yona. U yile edorobeni, Bibele yi teri, "Akuri ni swo tala ngopfu leswi Yena a nga swi endlangiki hikokwalaho ka kuka va nga pfumeri." A hi swona sweswo? Nchumu lowu wu fanaka namutlha. Mi fanele mi N'wi pfumela. Ntsena mi fanele mi N'wi pfumela. Yaleyo hi yona ndlela yi ri yoxe leyi mi nga swi endlaka.

¹¹⁷ Layini ya xikhongelo yi lulamile? Sweswi, un'wana ni un'wana a xiximi ntsena kwalomu ka khume ra timinetse. A ndzi tivi hambi ndzi ta heta lahaya, ndzi ni kwalomu ka makume mbirhi—ntlhanu kumbe makume nharhu lava va yimeke lahaya. Kambe sweswi, eka layini ya xikhongelo, un'wana ni un'wana wa n'wina lahaya elayinini loyi a tivaka leswaku ni muluveri eka n'wina, nakona a ndzi tivi nchumu ha n'wina, yimisa voko ra wena. Un'wana ni un'wana elayinini ya xikhongelo.

¹¹⁸ Sweswi eka vayingiseri, lava va tivaka leswaku a ndzi tivi nchumu ha vona, yimisani mavoko ya n'wina. Wa vona? Sweswi, sweswi, leswi hi leswi ndzi ringetaka ku swi vula, vanghana, wa vona. Sweswi, hi leswi lahawani. Hinkwavo vaministara ehenhla lahawani eka platifomo. Na Kreste u endlile xitsembhiso lexi. Wa vona, swi tsariwile. I ncini leswi a swi ta eku humeleti? Emasikwini yo hetelela, ntsena ku ngase fika Kuvuya ka Hosi. A hi swona sweswo? Swi fanele swi ta swi ta humeleta.

¹¹⁹ Sweswi, rero i Rito leri nga profetiwa namutlha. Kungari rivoni ra Luther; kungari rivoni ra Wesley; nakona kungari hambi rivoni ra Pentekosta. Hi rin'wana ri nga ehenhla endleleni sweswi. Sweswi, Luther yi kahle; Methodist yi kahle; Baptist yi kahle; hinkwato ka toni, Pentekostal, ti kahle. Kuna tinxaka hinkwato ti nga tshama lahawani madyambu lawa. A hi—a hi—a hi tin'we. Ku nga humeleta yini loko...

¹²⁰ U ngaka u nga vuli nchumu eka Methodist hi Luther, hikuva u pfumela eka kukwetsimisiwa nakona Luther a nga swi pfumeri. Wa vona?

¹²¹ U ngaka u nga byeli mu-Pentekosta leswaku “kukwetsimisiwa hi swona hinkwaswo ka swona,” u vonile kuvuyelerisiwa ka tinyiko. A nge swi pfumeri sweswo. Ee, u na swo tlula sweswo. Wa vona? Nakona yaleyo i nguva yo hetelela ya kereke leyi hi nga na yona, nakona Bibele yi teri a ku nge hevi ni tinguva ti n'wana ta tikereke.

¹²² Kambe kutava ni kuhlengeletana ka vanhu, wa vona, nakona hi hina lava. Sweswi, tsundzukani, sayini yo hetelela. Xana hina vanhu hi langutele n'wana la nga tshembhisiwa? Yimisani mavoko ya n'wina. Ma pfumela leswaku mi Rixaka ra Abraham hikuva mi leka Kreste? Yimisani mavoko ya n'wina. Swingaleswi, Rixaka ra Abraham, amukelani sayini ya n'wina! A yile handle lahaya eBabilona, a yi le ehandle lahaya eka misava ya xidinominexini. Yi lahawani exikarhi ka n'wina, n'wina lava mi nga riki kona eka thyaka lero lahaya. Swi pfumeleni!

¹²³ Lahawani hi loyi wansati, hakunene i muluveri eka mina, kun'wana kwalomu ka tintangha. A ndzi se tshama ndzi n'wi

vona wansati evuton'wini bya mina. Loko ndzi nga horisa wansati loyi ndzi tava ndzi swi endlile, loko a vabya. A ndzi tivi nchunu ha yena. Mikale mi n'wi vona a yimisile voko ra yena eka timinetse titsongo leti hundzeke. A—a ndzi kalanga ndzi n'wi vona. O va ntsena wansati la yimeke lahaya.

¹²⁴ Namuntilha va ta lahawani vatisa xijumba xa makhadi ya xikhongelo, va mahlanganisile hinkwawo va manyika vanhu. Rin'wana ri na nambara yo sungula lahawani, ni nambara ya khume endzhaku lahaya, nambara ya khume ntlanu, nambara ya nkombo, nambara...ntsena tani hi sweswo. Hinkwawo va hlanga-hlanganile, emahlweni ka n'wina, masiku hinkwawo. Nakona loko va vitaniwile, ntsena va vitanile hinkwawo hi kurbendzeleka hinkwako. Wa vona? Nakona, sweswi, hambi kuri khadi a wu fanelanga kuva ni khadi ra xikhongelo, ntsena tshama lahaya u pfumela. Hikokwalaho ka yini swi ngavi tano...

¹²⁵ Titovi wena hi wexe, emadyambyini lawa, lavisia awara leyti hi hanyaka eka yona. Wa vona? Sweswi, ntsena swi herile, ngopfu, vanghana. Ntsena swi herile!

¹²⁶ Sweswi, loko Xikwembu xa Abraham xi pfuxile Yesu Kreste kusuka ekufeni, nakona Yesu yaloye u tssembhisile leswaku emasikwini yo hetelela mahlori lawa ya fanaka lawa Abraham...leswaku Ntsumi (laha akuri Xikwembu eka nyama ya ximunhu) yi swi endlile emahlweni ka Abraham, ntsena n'wana wa xitshembhiso a nge se fika, Yesu u vule nchumu wun'we leswaku wu ta humelela.

¹²⁷ Sweswi, hi vona ti a thomiki ni tidinominexini, ni hinkwaswo leswi, ni thyaka leri va nga eka rona. Hi vona Billy Graham ehansi ekusuhi, na Oral Roberts, ni hinkwawo vanhu va vona ehandle lahaya; murhumiya wa Pentekosta ni murhumiya wa dinominexini ehansi lahaya, ha swi vona hinkwaswo swi ya emahlweni, va humesa sayini. Billy Graham, un'wana wa ntivo-vukwembu eka thonsi, leri dinominexini yi pfumelaka eka rona. Oral Roberts, muhorisi eka thonsi, ntsena tani hilaha Pentekosta...

¹²⁸ Kambe langutani lahawani, kuna swin'wana swi tsembhisiweke eka Rixaka ra Abraham. Lahaya vale hansi exikarhini ka tidinominexini ta vona; kuna swin'wana *swi humaka* eka tidinominexini swi faneleke ku humelela, ku hlengleeta vanhu. Hi ta swi tshika swi famba kufikela madyambu ya mundzuku.

¹²⁹ Langutani, a ndzi n'wi tivi wansati yaloye. Ndzi ta n'wi fularhela. Loko Hosi Xikwembu xi ta vula swin'wana eka wansati yaloye, kumbexani swi—swi hi xindyangu, kumbexani swi hi xi mali, kumbexani swi hi vuvabyi; a ndzi tivi. U ta swi tiva loko kuri ntiyiso kumbe kungari wona.

¹³⁰ Loko Xi nga endla nchumu wun'we emadyambiyini lawa lowu Xi tshameke xi wu endla, u ta pfumela leswaku Xikwembu xexo Yesu Kreste u tshembhisile leswaku swi tava lahawani emasikwini yo hetelela? I vangani va pfumelaka leswaku hi hanya tani hile Sodoma, loko misava hinkwayo yi yile eka xiyimo xa Vusodoma? I vangani va n'wina va pfumelaka leswi ndzi nga mi byela emadyambiyini lawa leswaku i Ntiyiso? Swingaleswi, vana ni Rixaka ra Abraham, pfumelani eka Xikwembu!

¹³¹ Sweswi, swingaleswi swi ta huma eka miehleketo ya n'wina leswi ndzi ringetaka ku vula swin'wana eka wansati, ku n'wi languta exikandzeni, kumbe ku kuma swilo hinkwaswo hi maendlelo ya swendlo kumbe swin'wana leswi mi lavaka ku swi tiva. Un'wana loyi a tivaka maendlelo ya swendlo a nga hava ni matwele yo antswa kutlula sweswo. Wa vona? Wa vona? U tshame u vona munhu wa swendlo a chumayela Evhangeli? U tshame u vona munhu wa ximoya a chumayela Evhangeli, a endla mahlori ni masingita, a twakarisa Yesu Kreste ku fana? Ee.

¹³² Wa vona, ntsena...i miehleketo ya vanhu. Wa vona, i mabofu. Ma pfumela leswaku va tava mabofu? Bibele yi teri va tava tano. A hi swona sweswo? "Vakarihi, lava tirhandzelaka, lava va rhandzaka ku tsaka xi nga ri Xikwembu, lava nga tshembhekiki, valumbeti, lava nga tiviki ku tikhoma, lava va vengaka lavanene, va ni nghohe ya vukhongeri, kambe va arile Matimba ya byona."

¹³³ Yesu a nga vulanga, eka Mukwetsimi Matewu 24:24, leswaku "Mimoya yimbirhi emasikwini yo hetelela hakanyingi yi ta hambukisa Vahlawuriwa, loko swi nga koteka"? Kambe a swi nge endleki. A vari eka miehleketo ya Xikwembu emasunguleni, nakona va xiphemu xa Xikwembu.

¹³⁴ Sweswi, Xikwembu xa Abraham, Isaka, na Yakob, mi nge swi tiveka madyambu ya namutlha leswaku ndzi le kuvuleni ka Ntiyiso ha Wena. Hi Wena, Hosi. Hi ku titsongahata pfumelela vatirheli va Wena kuva va kota ku kuma mianakanyo leyi nga ya vona leyi humeke endleleni, leswaku U nga ha tirhisa mi miri ya hina eka kukwetsima ka Wena. Hi vito ra Yesu, N'wana wa Xikwembu. Amen.

¹³⁵ Nyiko i yini? Ku ngari swin'wana leswi mi swi tekaka mi swi chotela mi tlhela mi swi hundzuluxa. Ee, ee. I ku tiva leswi u nga ta ti humesisa xiswona wena hi wexe eka ndlela leyi Xikwembu xi nga ta ku tirhisa. Nyiko ntsena yi mi humesela ehandle, hiloko Xikwembu xi yi tirhisa.

¹³⁶ Ntombhi leyi nga endzhaku ka mina yi ya ekufeni loko yi nga horisiwi. Ntombhi leyi yi nga endzhaku ka mina ntsena yi khongeleriwile hi munhu un'wana, sweswi. U na mfukuzano. Mfukuzano yile maveleni ya yena nale mahawini. Nakona

ntsena sweswi ari eku swikhongeleleni, nakona u le kuringeten i ku swi amukela hi ripfumelo leswaku u horisiwile. Sweswo hi LESWI HOSI YI SWI VULAKA! Hi swona sweswo, ntombhi? [Ntombhi yi ku, "Ina, hakunene i ntiyiso."—Muhleri.] Loko swi ri tano, fambisa—fambisa voko ra wena eka vayingiseri. Xikwembu xa Abraham xa ha hanya! Hinkwaswo swi lulamile, famba u ya pfumela leswi u swi pfumelaka nakona u tava kahle. Amen.

Ma pfumela xana? Mi ri, "Vayingiseri vona ke?"

¹³⁷ Wansati loyi a nga tshama lahwani ni... emakun'wini ya layini, ntombhi ya vumbirhi lahaya. Loko ndzi hundzuluka ndzi langutisa lahaya ntsena ndzi vona swin'wana, nchumu lowu wu rhendzeleke voko ra yena, ku mpopa ka ntshikelelo wa ngati. U na ngati leyi tlakukeke. A hi swona sweswo, ntombhi? Yimisa voko ra wena. Loko u pfumela, kutlakuka ka ngati ya wena ku taya ehansi. Xikwembu xa Abraham xa hari kona eka xivono. Xa ha ri sweswiya a xi ri xiswona, Rito ra Xikwembu ra siku leri!

¹³⁸ Mi endla yini? Ma pfumela sweswi? Vanani ni ripfumelo eka Xikwembu! Swi tikomba ntsena tani hi vuhalangi. Xikwembu xi tiva mbilu ya wena, nhwenyana, a ndzi tivi. Wa pfumela leswaku Xikwembu xa swikota ku ndzi hlavutela leswi nga hoxeka? U ta pfumela eka Xona loko ndzi ta swi endla? A hi swa wena, i swa un'wana, yaloye i buti wa wena. Nakona u tiyimiserile swinene nakona u le dorobeni en'walungwini lahaya, Tulare. Nakona u le xibedlhelle, u khomiwile hi leukemia, nakona vadokodela va n'wi tshikile leswaku a fa. Akahari niku tshembha eka hinkwaswo. Hi swona sweswo. Wa pfumela? [Ntombhi, yi rila, yi ku, "Ina."—Muhleri.] Swi lulamile. U na yini evokweni? Xi teki xexo u ya xivekela eka yena. Nakona u nga xikanakanani. Pfumela! Amen.

¹³⁹ Wa pfumela? A ndzi se tshama ndzi yi vona ntombhi leyi evuton'wini bya mina. Kambe Xikwembu xitshama xi ri Xikwembu! Sweswi, ndzi byeli munhu a nga swi endla sweswo? A swile ka ku endliwa hi munhu kuva a swi endla. I Xikwembu lexi Yesu Kreste a tshembhiseke leswaku xi tava lahwani emasikwini yo hetelela nakona xi ti tiyisa xona hi Xoxe (ntsena emahlweni ka Rixaka ra Abraham) tani hi laha a swi ri emasikwini ya Sodoma.

¹⁴⁰ Sweswi lahwani, a ndzi yi tivi ntombhi, hi valuveri un'wana eka un'wana, ndza vhumbha i ro sungula hi hlangana evuton'wini. Wa ndzi pfumela leswaku ndzi mutirheli wa Xona? Wa pfumela leswaku leri i Rito? Nakona wa swi tiva leswaku loko... Rito leri ra hari muavanyisi wa mianakanyo niku handzula timbilu. A hi swona sweswo? Rito i Muhorisi, nakambe, loko ntsena u nga pfumela eka Rona. Wa pfumela? U funengetiwile, na wena, hi ndzhuti wa ntima. I mfukazani. Nakona wa pfumela leswaku Xikwembu xi nga ndzi byela

laha mfukuzana wu nga kona xana? Wu le marhumbyini ya le hansi, leswi dokodela a nga swivula. Wa pfumela sweswi leswaku u ta horisiwa? Famba, nakona u nga kanakani eka hinkwaswo, nakona Xikwembu xi ta ku endla u va kahle. Amen.

¹⁴¹ Ma pfumela, hinkwerhu? Ntsena tani hi laha Xi tshembhiseke ku swi endla! Vanani ni ripfumelo eka Xikwembu, mi nga kanakani.

¹⁴² A Hi tivani. A ndzi kutivi. Loko hi ri valuveri, u nge vayingiseri va swi tiva, hi khomanile hi mavoko. A ndzi se tshama ndzi vona wansati loyi evuto'wini bya mina.

¹⁴³ Ma pfumela ehandle kwalaho? Ma pfumela leswaku i Yesu Kreste? I yini? I Rito ra Yena. Loko vanhu lava va Ri ala, a va ali munhu, va ala Rito. I Rito leri ariri ehandle, ri ngaka ri nga tlheleri endzhaku kuya nghena.

¹⁴⁴ Sweswi, ntombhi i muluveri eka mina. A ndzi se tshama ndzi n'wi vona evuton'wini bya mina. Xikwembu i Muhorisi. Swi nga hava swi nga ri swa kuhorisa, kumbe swin'wana ntsena, kambe loko Xikwembu xa ha ta ndzi hlamusela leswi swi ku karhataka, u ta ndzi pfumela? Xosungula lexi u lavaka ku khongeleriwa eka xona, i, u na ndleve leyi ngariki kahle. Yin'we ya tindleve ta wena, a wu koti ku twa hi yona. Hi swona sweswo. I ntiyiso sweswo xana. Nakona u na mahanyelo, nakona u lava ku cukumeta mahanyelo ya lawa, i ku zaha tisigarete. Vekela rintiho eka ndleve ya wena ya kahle sweswi, swi lulamile, ndleve ya wena ya kahle. Swi lulamile. Sweswi pfumela eka Xikwembu u famba endleleni ya wena, nakona u nga...nakona a wu nge he zahi nakambe tisigarete ntsena loko wo pfumela. Famba, nakona Hosi a yi kukatekisi.

Maswivona leswi humelelaka. A hi Xona hi xiviri?

¹⁴⁵ A ndzi ku tivi, a hi tivani. A ndzi se tshama ndzi ku vona evuton'wini bya mina, kambe Xikwembu xa ku tiva. Loko Xikwembu xo ndzi byela swin'wana hi wena, u ta pfumela xana?

¹⁴⁶ Xana vayingiseri hinkwerhu mi ta pfumela xana? Un'wana ni un'wana kwalaho la tivaka wansati? I mani eka n'wina vayingiseri la tivaka wansati? Swi kahle, maswitiva nkarhi wun'wana leswi ku tava ntiyiso kumbe wu ngavi tano. Leswi swi ta swi tshamisisa. Leswi swi ta vula ntiyiso.

¹⁴⁷ Sweswi minga ha vona ntsena leswi swi humeleleke eka timinetse leti ntsongo leti ti hundzeke. Wa vona? Ko va ntsena...ndzova ntsena eku khuzecheleni. Wa vona? Kova ntsena swin'wana ni swin'wana swi ndzi pfalaka mahlo. Wa vona, Swi enhlisa-. Wa vona, I Moya wo Kwetsima. A hi mina. I Rito leri tshembhisiweke siku leri. A Ri kalanga riva kona ku sukela emasikwini ya vaapostola, a swi vanga kona. Kambe kwihia laha swi nga vuriwa kona, "Ntsena ku nga se vuya

N'wana wa munhu. Tani hi laha a swi ri emasikwini ya Lot, swingaleswi swi tava tano ekuvuyeni ka N'wana wa munhu." Lava nga riki va pfumeri a va Swi pfumeli. A va languteriwanga ku Swi pfumela. Kambe vapfumeri va Swi pfumela!

¹⁴⁸ Sweswi, loko Moya wo Kwetsima wa ha ta swi hlavutela leswi, i vangani lava va nga ta pfumela hi timbilu ta vona hinkwato, mi ta yimisa mavoko ya n'wina?

¹⁴⁹ U vavisekile kun'wana. U vile ni khombo ra movha, ri kokile marhambu man'wana ya hambana enhan'wini ya wena. Nakambe u na yinsu leyi nga tiyangiki yi kokiweke. Sweswo hi swona, a hi swona? Wa pfumela? U tava kahle eka hinkwaswo. Dzunisa Hosi.

¹⁵⁰ Wa pfumela leswaku Xikwembu xa horisa khombo ra yinsu? Swingaleswi famba nakona u amukela ku horisiwa.

¹⁵¹ Tana, ntombhi. Langutisa hala. Wa pfumela leswaku Xikwembu xa horisa ku karhatiwa hi mbilu? Swi kahle, famba u ya emahlweni niku pfumela, nakona mbilu ya wena yi ta kumeka yi ri kahle.

¹⁵² Ntsunela lahawani. Wa pfumela leswaku Xikwembu xi nga horisa nhlana wa wena, xi ku endla u va kahle? Yana emahlweni u ri karhi u pfumela.

Ntsena pfumela eka Xikwembu, sweswo hi swona leswi u fanelaka ku swi endla hinkwaswo!

¹⁵³ Tana, ntombhi. Wa pfumela leswaku Xikwembu xa horisa ku karhatiwa hi le ndzeni? Famba, dyana swakudya swa wena swa ni madyambu, u pfumela hi mbilu ya wena hinkwayo.

¹⁵⁴ Tana. Wa pfumela leswaku Xikwembu xi nga horisa arthritis? Swingaleswi famba, u pfumela, nakona endla...nakona Xikwembu xi ta ku endla u va kahle.

¹⁵⁵ Swi kahle, tana. U pfumela hi mbilu ya wena hinkwayo? Wa pfumela? Arthritis, nakambe. Wa pfumela leswaku Xikwembu xi nga ku endla u va kahle? Yana emahlweni, u Swi pfumela, i ku, "Ndza ku khensa, Hosi."

I vangani lava va pfumelaka kwalaho? Ma pfumela xana?

¹⁵⁶ Ntombhi leyi nga tshama laha a nga ambala mpanhla yo tshwuka, a yimiseke voko ra yena lahawani, u karhatiwa hi ntshikelelo wa ngati ya le henhla. Wa pfumela leswaku Xikwembu xi nga ku endla u hanya? Wa pfumela? Swi kahle. Tlhandleka mavoko ya wena eka ntombhi yaleyo yi nga ekusuhi na wena, nakona u n'wi byela leswaku rito ra yena ri tava kahle. Amen.

Lahaya swi kona. Amen. Ma pfumela? Vanani ni ripfumelo!

¹⁵⁷ Hi loyi wanuna a tshameke lahwani, u na vuvabyi bya ngati. Wa pfumela, nkulukumba, wena u tshameke lahwani? Ina, una ngati. Wa pfumela leswaku u ta horisiwa?

¹⁵⁸ Ntombhi leyi nga ekusuhi na wena yi na ngati na yona, nakambe u karhatiwa hi nhlana. Wa pfumela leswaku Xikwembu xi ya eku kuhoriseni? Wa pfumela? Yimisa voko ra wena u swi pfumela. Pfumela.

¹⁵⁹ Ntombhi leyi yi nga ekusuhi na wena yi karhatiwa hi milenge ni xisuti xa yona. Wa swi pfumela sweswo leswaku hi swona, ntombhi? Wa pfumela leswaku u ta horisiwa? Swi kahle, yimisa voko ra wena, i ku, "Ndza swi amukela."

¹⁶⁰ Swi kahle, ntombhi leyi nga ekusuhi na yena yi na ntlhaveko. Wa pfumela leswaku Xikwembu xi ta horisa ntlhaveko wa lowo, nhwanyana loyi a nga ambala tinghilazi? Yimisela voko ra wena ehenhla, i ku, "Ndza swi amukela." Swi kahle, swi pfumeri.

¹⁶¹ Ntombhi leyi nga ekusuhi na wena yi karhatiwa i yinsu. Wa pfumela leswaku Xikwembu xi ta horisa yinsu yaleyo, ntombhi? Swi kahle, yimisela voko ra wena ehenhla, swi amukeri.

¹⁶² Xinhwenyetana xi nga ekusuhi na yena xina vuvabyi byo pfimba nkolo. Wa pfumela leswaku Xikwembu xi nga horisa ku pfimba kwaloko ka nkolo? Yimisa voko ra wena, swi amukeri.

¹⁶³ I vangani va pfumelaka hi timbilu ta vona hinkwato? Swingaleswi yimani hi milenge ya n'wina mi swi amukela. Yimani eVukoneni bya Xikwembu xa Abraham, Isaka, na xa Yakob.

¹⁶⁴ Hi Vito ra Hosi Yesu Kreste Moya wo Kwetsima wu nga ha wela eka muako sweswi wu horisa munhu un'wana ni un'wana eka Vukona bya Matimba!



XIKWEMBU HI XONA MUHLAMUSERI WA VUXONA N'WINYI TSO64-0205
(God Is His Own Interpreter)

Hungu Leri hi Makwerhu William Marrion Branham, ri sungurile ri hangalasiwa hi Xinghezi hi Ravunharhu ni madyambu, Nyenyenyani 5, 1964, eKern County Fairgrounds eBakersfield, California, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2008 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org